

TERMA DAN SYARAT Peraduan Syiok Beraya Dengan ECONSAVE

1.0 Penganjur & Kelayakan

1.1 Peraduan “Syiok Beraya Dengan ECONSAVE” [“Peraduan”] ini dianjurkan bersama oleh Econsave Cash & Carry Sdn Bhd (No. Syarikat: (390990-T) [“Pihak Penganjur”] dan terbuka kepada semua penduduk tetap di Malaysia atau warganegara Malaysia yang berumur 18 tahun dan ke atas pada 7 Mac 2022 [“Peserta”].

1.2 Individu-individu yang tersenarai di bawah adalah tidak layak menyertai Peraduan ini:

- Kakitangan Pihak Penganjur [termasuk syarikat bersekutu, anak syarikat atau yang berkaitan dengannya] serta ahli keluarga mereka yang terdekat [anak-anak, ibu bapa, adik-beradik, termasuk suami/isteri]; dan/atau
- Wakil, kakitangan, pekerja dan/atau ejen pembekal khidmat pengiklanan dan/atau ejen promosi bagi Pihak Penganjur [termasuk syarikat bersekutu dan berkaitannya], dan ahli keluarga mereka yang terdekat [anak-anak, ibu bapa, adik-beradik, termasuk suami/isteri].

2.0 Tempoh Peraduan & Kriteria Penyertaan

2.1 Peraduan akan bermula 7 Mac 2022, 00:00:01 hingga 4 Mei 2022, 23:59:59 (Waktu Malaysia) [“Tempoh Peraduan”].

2.2 Sebarang penyertaan yang diterima selepas dari Tempoh Peraduan adalah tidak sah dan ditolak.

2.3 Pihak Penganjur berhak untuk mengubah, melanjutkan atau menamatkan Tempoh Peraduan mengikut budi bicara mutlak tanpa perlu memberi sebarang notis terlebih dahulu.

2.4 Peserta perlulah membuat pembelian minimum RM15 dan ke atas [“Bukti Pembelian”] di mana-mana Pasar Raya Econsave untuk produk dari Planta atau Windmill. [“Jenama yang terlibat”]

2.5 Setiap RM15 dalam resit yang sah akan memberikan satu (1) penyertaan di dalam Peraduan ini. Resit tidak boleh digabungkan.

2.6 Peraduan ini sah di semua Pasar Raya Econsave di SEMENANJUNG MALAYSIA SAHAJA.

3.0 Cara Penyertaan

3.1 Setiap penyertaan mesti disertakan dengan Bukti Pembelian yang dibuat semasa Tempoh Peraduan di mana-mana pasar raya Econsave.

3.2 Penghantaran penyertaan perlu dilakukan melalui WhatsApp dari mana-mana nombor telefon bimbit tempatan.

3.3 Peserta diminta untuk menjawab soalan ini:

Yang mana merupakan hadiah utama peraduan **Syiok Beraya Dengan ECONSAVE?**

A. Perodua Ativa 1.0 Turbo H B. Dyson V11 Vacuum

3.4 Peserta diminta untuk menaip Nama Penuh seperti di MyKad, Nombor MyKad dan gambar Bukti Pembelian (resit) dan WhatsApp ke 011 2367 1025.

4.0 Pemilihan Pemenang

Pemenang Hadiah Utama, Kedua dan Ketiga

4.1 Setiap pembelian bernilai RM15 dan ke atas yang sah (di dalam satu resit) akan diberikan satu (1) nombor siri secara rawak. (Nota: setiap pembelian dengan gandaan RM15 = 1 nombor siri rawak, RM30 = 2 nombor siri rawak, RM45 = 3 nombor siri rawak dan seterusnya).

4.2 Pemenang akan dipilih selepas Tempoh Peraduan. Peserta yang layak akan disenarai pendek secara rawak oleh sistem pemilihan automatik dalam Tempoh Peraduan [“Peserta Terpilih”].

4.3 Peserta boleh menghantar lebih dari satu (1) penyertaan.

4.4 Setiap satu (1) Bukti Pembelian hanya boleh digunakan sekali sahaja. Penyertaan peraduan akan dibatalkan jika Bukti Pembelian yang sama digunakan lebih dari satu (1) kali.

4.5 Setiap Peserta hanya layak memenangi satu (1) Hadiah Utama atau Kedua atau Ketiga sepanjang Tempoh Peraduan, tanpa mengira bilangan penyertaan yang diterima oleh Penganjur.

4.6 Sekiranya Peserta Terpilih tidak dapat dihubungi, Penganjur berhak memilih Peserta Terpilih seterusnya sebagai pemenang.

Pemenang Hadiah Saguhati Pasti Menang

4.1 Hanya 100 pemenang setiap minggu. Setiap pembelian bernilai RM15 dan ke atas yang sah (di dalam satu resit) akan diberikan satu (1) nombor siri secara rawak.

4.2 Peserta yang memenangi Hadiah Saguhati masih berpeluang untuk memenangi satu (1) Hadiah Utama atau Kedua atau Ketiga sepanjang Tempoh Peraduan.

4.3 Lapan [8] tempoh mingguan adalah seperti di bawah:

- Minggu 1: 07/3 – 13/03/2022
- Minggu 2: 14/3 – 20/03/2022
- Minggu 3: 21/3 – 27/03/2022
- Minggu 4: 28/3 – 03/04/2022
- Minggu 5: 04/4 – 10/04/2022
- Minggu 6: 11/4 – 17/04/2022
- Minggu 7: 18/4 – 24/04/2022
- Minggu 8: 25/4 – 04/05/2022

5.0 Hadiah

5.1 Hadiah yang disediakan untuk Peraduan ini adalah seperti berikut:

1x Hadiah Utama: Perodua Ativa 1.0 Turbo H

2x Hadiah Kedua: Bucer Econsave RM1,500

3x Hadiah Ketiga: Bucer Econsave RM800

800x Hadiah Saguhati Pasti Menang: Touch 'n Go eWallet RM10

5.2 Sejumlah 806 hadiah untuk dimenangi.

5.3 Segala imej gambar Hadiah yang ditunjukkan dalam apa-apa iklan, promosi publisiti dan bahan lain yang berkaitan dengan Peraduan ini adalah semata-mata untuk tujuan ilustrasi sahaja dan mungkin berbeza dengan Hadiah sebenar yang diterima.

5.4 Hadiah adalah tertakluk kepada terma dan syarat yang ditetapkan oleh pembekal Hadiah (jika berkaitan). Setakat yang dibenarkan oleh undang-undang, Penganjur dan ejennya tidak bertanggungjawab terhadap semua liabiliti yang timbul daripada sebarang penangguhan, pembatalan, kelewatan atau perubahan kepada butir-butir Hadiah atau apa-apa keadaan yang tidak diduga di luar kawalan yang munasabah oleh Pihak Penganjur dan untuk apa-apa perbuatan atau keingkaran oleh mana-mana vendor atau pembekal pihak ketiga.

5.5 Pihak Penganjur tidak bertanggungjawab terhadap sebarang kehilangan atau kerosakan yang berlaku kepada Hadiah semasa proses penghantaran. Apa-apa kos tambahan lain (sebagai contoh perbelanjaan perjalanan) yang terlibat untuk menebus atau memungut Hadiah akan ditanggung sepenuhnya oleh pemenang.

5.6 Semua keputusan yang dibuat oleh Penganjur berhubung dengan Peraduan termasuk tetapi tidak terhad kepada senarai pemenang dan Hadiah adalah muktamad, dan mengikat. Sebarang suratmenyurat, pertanyaan, rayuan atau bantahan dari Peserta tidak akan dilayan.

5.7 Pihak Penganjur akan menghubungi Peserta Terpilih melalui maklumat yang dibekalkan semasa proses penghantaran penyertaan.

5.8 Pemenang akan menanggung perbelanjaan perjalanan untuk menuntut hadiah utama – Perodua Ativa.

5.9 Hadiah utama hanya termasuk yuran pendaftaran sahaja. Hadiah utama tidak termasuk insuran dan cukai yang berkaitan dengannya. Pihak Penganjur tidak akan bertanggungjawab ke atas semua liabiliti yang timbul daripada sebarang penangguhan, pembatalan, kelewatan atau perubahan kepada butiran hadiah utama atau sebarang keadaan yang tidak dijangka yang di luar kawalan munasabah Pihak Penganjur dan untuk sebarang tindakan atau keingkaran oleh pembekal hadiah utama.

5.10 Hadiah tidak boleh ditukar dengan wang tunai. Pihak Penganjur mempunyai hak untuk menukar Hadiah yang diiklankan dengan hadiah yang sama nilai tanpa pemberitahuan terlebih dahulu atas budi bicara tunggal dan mutlak. Pihak Penganjur, agensi, sekutunya, penaja dan wakilnya tidak bertanggungjawab terhadap Hadiah yang rosak atau penyalahgunaan mana-mana Hadiah, atau tuntutan, liabiliti, kerugian atau kerosakan yang timbul daripada atau berkaitan dengan Peraduan ini.

5.11 Semua Hadiah tidak boleh dipindah milik.

6.0 Hak Pihak Penganjur

6.1 Dengan menyertai Peraduan ini, Peserta bersetuju dan memberikan kebenaran kepada Penganjur untuk menggunakan, menyiarkan atau memaparkan nama-nama dan gambar-gambar pemenang (jika ada) bagi tujuan pengiklanan, pemasaran, publisiti dan apa jua tujuan lain di dalam apa jua saluran penerbitan, tanpa sebarang notis terlebih dahulu atau bayaran royalti atau pampasan kepada pemenang. Pemenang tidak mempunyai hak untuk membuat tuntutan hak milik atau lain-lain pampasan terhadap material tersebut.

6.2 Pihak Penganjur berhak untuk mengubah, melanjutkan atau menamatkan Tempoh Peraduan mengikut budi bicara mutlak tanpa perlu memberi sebarang notis terlebih dahulu.

6.3 Pihak Penganjur berhak, mengikut budi bicara mutlak, untuk membatalkan kelayakan manamana Peserta dan/atau penyertaan jika didapati atau disyaki menipu/menggodam/menyalahgunakan proses penyertaan Peraduan ini, operasi Peraduan atau melanggar mana-mana Terma dan Syarat-Syarat Peraduan ini.

6.4 Pihak Penganjur berhak untuk mengubah mana-mana Terma dan Syarat Peraduan ini pada bila-bila masa atas budi bicara mutlak tanpa memberikan notis terlebih dahulu. Jika Peserta tidak bersetuju pada sebarang perubahan pada mana-mana Terma dan Syarat Peraduan, Peserta adalah dianggap telahpun menarik diri daripada menyertai Peraduan ini.

6.5 Sebagai tambahan kepada Terma dan Syarat ini, arahan dan kaedah Peraduan seperti yang dijelaskan di laman sesawang <https://www.econsave.com.my> atau sebaliknya, juga akan mengikat semua Peserta dan penyertaan mereka dalam Peraduan ini.

6.6 Jika berlaku apa-apa percanggahan di antara Terma dan Syarat ini dan apa-apa terma yang terkandung dalam sebarang bahan promosi untuk Peraduan ini, Terma dan Syarat yang terkandung di <https://www.econsave.com.my> akan diguna pakai dan diutamakan.

6.7 Jika terdapat percanggahan antara Terma dan Syarat versi Bahasa Inggeris dengan versi Bahasa Melayu, Terma dan Syarat versi Bahasa Inggeris akan diguna pakai.

6.8 Dengan menyertai Peraduan ini, Peserta memberi kebenaran kepada Pihak Penganjur atau manamana pihak ketiga yang dilantik oleh Penganjur untuk memproses data peribadi Peserta yang diberikan untuk perkara-perkara berkaitan dengan Peraduan.

- 6.9 Melainkan dinyatakan sebaliknya, semua kos pengangkutan, caj internet, kos peribadi dan/atau sebarang kos, yuran dan/atau apa-apa jenis perbelanjaan yang ditanggung oleh Peserta yang berkaitan dengan Peraduan ini (sama ada untuk tujuan menyertai, menghantar penyertaan atau penerimaan Hadiah) adalah ditanggung sepenuhnya oleh pemenang/Peserta.
- 6.10 Pihak Penganjur, sekutunya, ejen-ejen dilantik atau wakilnya tidak akan bertanggungjawab di atas sebarang kos/caj/yuran/perbelanjaan yang ditanggung oleh Peserta berkaitan dengan Peraduan ini.
- 6.11 Pihak Penganjur, sekutunya dan/atau pihak ketiga yang dilantik tidak bertanggungjawab atas penyertaan yang hilang, rosak, lewat disebabkan atas sebarang kesilapan teknikal.

7.0 Liabiliti dan Tanggungjawab

- 7.1 Peserta dan pemenang akan menanggung sepenuhnya dan bertanggungjawab sekiranya berlaku liabiliti, kejadian tidak diingini, kecederaan, kerosakan, tuntutan atau kemalangan (termasuk kematian) yang disebabkan penyertaan mereka di dalam Peraduan ini dan/atau penggunaan Hadiah dan bersetuju untuk melepaskan Pihak Penganjur dan agensinya darisebarang tuntutan sama ada bagi sebarang kecederaan, kemalangan, kehilangan jiwa mahupun kehilangan ekonomi dan lain-lain.
- 7.2 Setakat yang dibenarkan oleh undang-undang, tidak di dalam apa-apa keadaan Penganjur atau pegawai, pekerja, wakil dan/atau ejen (termasuk, mana-mana pembekal perkhidmatan pihak ketiga yang berurusan dengan Penganjur untuk tujuan Peraduan ini) bertanggungjawab terhadap sebarang kerugian atau kerosakan (termasuk kehilangan pendapatan, keuntungan atau nama baik atau ganti rugi tidak langsung, sampingan, berbangkit, teladan, punitif atau khas) yang timbul sama ada dalam kontrak, tort, kecuaiian atau sebaliknya, berkaitan dengan Peraduan ini, walaupun Penganjur telah dinasihatkan tentang kemungkinan kerosakan tersebut terlebih dahulu, dan semua ganti rugi yang tersebut adalah dikecualikan.
- 7.3 Dengan menyertai Peraduan ini, Peserta bersetuju untuk mematuhi dengan segala Terma dan Syarat di sini dan semua keputusan yang dibuat oleh Pihak Penganjur.

8.0 Perlindungan Data

- 8.1 Dengan mengambil bahagian dalam Peraduan ini, Peserta bersetuju dan memberi kebenaran kepada pihak Penganjur untuk mengumpul, menyimpan, menggunakan, memproses nama mereka, nombor kad pengenalan yang telah ditutupkan dan butir-butir pengenalan diri mereka yang lain ("Data Peribadi") untuk tujuan menjalankan Peraduan ini, termasuk tetapi tidak terhad kepada pengumuman dan penerbitan Data Peribadi dan/atau foto Peserta di laman sesawang Penganjur untuk tujuan pengiklanan dan publisiti.
- 8.2 Dengan mengambil bahagian dalam Peraduan ini, Peserta bersetuju dan memberi kebenaran kepada bank masing-masing untuk berkongsi dan mendedahkan Data Peribadi Peserta kepada Pihak Penganjur untuk tujuan menjalankan Peraduan ini, termasuk tetapi tidak terhad kepada pemilihan pemenang (jika perlu).
- 8.3 Dengan mengambil bahagian dalam Peraduan ini, Peserta juga memberikan persetujuan dan kebenaran kepada Pihak Penganjur untuk berkongsi atau mengumpul Data Peribadi mereka termasuk dengan pihak ketiga (jika diperlukan) tidak terhad kepada agen Pihak Penganjur atau mana-mana institusi kewangan di Malaysia. Semua pihak ketiga tersebut dikehendaki secara kontrak, tidak menggunakan Data Peribadi peserta selain dari cara yang dinyatakan di sini.
- 8.4 Di bawah undang-undang Malaysia, hak Peserta termasuk:
- a) Hak untuk menarik balik kebenaran untuk penggunaan Data Peribadi pada bila-bila masa dengan menghubungi Penganjur di alamat kontak yang dinyatakan di bawah dengan memberikan Penganjur nama dan alamat e-mel Peserta untuk penghapusan Data Peribadi tersebut;
 - b) Hak untuk mendapatkan salinan Data Peribadi yang dimiliki oleh Penganjur; dan
 - c) Hak untuk membetulkan Data Peribadi yang tidak tepat.
- 8.5 Sebarang isu perlindungan data bersama Penganjur, aktiviti berkenaan hak undang-undang bagi Peserta, sila rujuk laman sesawang pihak Penganjur di <https://www.econsave.com.my> atau menghubungi talian pelanggan Penganjur di +603 7802 8928.
- 8.6 Penganjur akan mengambil langkah berjaga-jaga yang munasabah untuk menyimpan Data Peribadi Peserta dengan selamat, dan memerlukan pemprosesan data dari pihak ketiga untuk melakukan perkara yang sama. Walaubagaimanapun, Penganjur boleh mendedahkan Data Peribadi Peserta jika dikehendaki oleh undang-undang, waran geledah, sepina atau perintah mahkamah.
- 8.7 Apa-apa perkara berkaitan Data Peribadi yang berhubung kait dengan Peraduan ini akan ditadbir dan diuruskan mengikut Akta Perlindungan Data Peribadi 2010 dan apa-apa undang-undang yang berkaitan di Malaysia.